

樂志堂詩集

樂志堂詩集卷三

南海 譚 瑩玉生撰

重游唐荔園

又報荔枝熟園開晚景

名園

清幾人營小築於此得閒情

壚貰黃公酒船呼宋嫂羹青霞祠廟近敬挹瓣香行

浹歲紅雲社何知漢與唐居人業陶白過客謂羲皇竹

屋三分水菱蕖數稜塘縱無名果在佳絕此江鄉

何處追涼好閒緣似去年選花帆亦麗傍樹舫剛圓酒

綠琉璃地衫紅玳瑁天書生寒儉態琴鶴釣魚船

詩派樓誰築梁黎定結鄰盛名足千古大雅復何人醉

墨亦邱壑狂歌空鬼神頭銜吾敢與甘署荔支民
東墅謝安關南樓庾亮來十賢堂並建五老榜誰陪節
鉞得清暇琴歌到草萊廣州全盛日相遇且銜盃

辛卯十月送伍紫垣孝廉計偕入都

宜數今科第一人早聞天語在初春關心屢奠中流
柱抗手當扶大雅輪陰德本來關福命文章應久出風
塵口碑勝似泥金帖並祝征途護此身

誰誇裘馬洛陽街王謝門風子弟佳少日才名已流佈

此時書卷特安排

刻嶺南遺書初集

艱難一第求民瘼保障千

春塵

聖懷

天子門生君合署不須仍待謁金階

嶺外遺書手共編護持心血慰前賢更無南物儲行篋
可奈黃花照別筵功德更饒君子濟聲華同覓孝廉船
玉堂珥筆尊常事庫本煩君寫寄先

年來交誼荷隆情脈脈臨歧百感并爲語疎狂非夙昔

謂賓衛員外

真慙屬望有公卿

謂遂菴師

明經樣可充饑渴下第

文猶共品評

聞余闡卷亦經呈薦榜後爲人檢去遍覓不獲

此去直同班景倩

重尋日者話生平

何年能作

帝京游臥酒吞花詎遣愁恰有主人當北

道况逢仙侶復同舟

謂秩卿茂才

那堪日暮重攜手似此人

材合狀頭官職聲名知不朽窮交寥落正悲秋

入春寓齋紅梅盛花上元後經雨稍謝限春字二

首

偏從爛漫見天真第一花開第一句豔極詎知人意鬧
翛然偶逐歲華新星冠霞帔剛乘月賸粉零金未減春
昨夜東風料峭甚丹砂服餌倍精神

葉到成陰又一春餞花隨意坐花裯全開漸落偏經雨
似淡仍濃未著塵大老藝香披繡服美人酣醉傍燈輪
鬢絲已換留相伴永憶巡檐索笑身

春菊

誰將消息問東籬開並春紅反未遲高士或幾忘改歲

勝流何必負芳時鉛華自淡東風鬧色相難空夕照知
雅愛梅花零落盡牆陰瞥見兩三枝

老圃重經眼界寬一番榮悴豈無端吾曹定協時宜否
到此仍畱本色難九日開多誰寶貴百花園住轉高寒
招邀謂賞閑桃李送酒無人獨自看

落花時節冱涼烟點綴春光絕可憐豈必孤高難入世
依然絢爛總關天壽人高會羣仙日徵士剛朝聖主年
亦有嬌紅兼姹紫漫勞相比屑相先

縱偶開花亦不妨綺羅叢裏著秋光性情具見存詩品
時世剛逢愛道裝一例穠華饒野趣頻經閱歷保孤芳

任從錦障金鈴護卻總無言對豔陽

壬辰十一月送梁王臣孝廉計偕之京

風雨山堂有餞盃衝寒客盡褐裘來簪纓竟亦知吾輩

謂程春海祭酒
鄭雲麓觀察

湖海安能老此材名士蹉跎雙鬢換故

人迢遞片帆開何年日下重攜手不爲黃金築臺

總角揮毫點不加烏衣門閥各驚嗟蘭成賦手傳枯樹

王勃文心豔落霞邇日窮經才漸樸此時登第俗偏誇

獨憐我是秋風客未獲同看上苑花

夙許才名第一流年光如水倍難留風神君尙如張緒
遇合人爭比馬周婚嫁未完思五嶽文章何者足千秋

狂奴故態今非昔回首珠江舊酒樓

都門風會近如何補藻隆平樂事多臣朔生涯君獨

免汝南評隲世先訶幾人尙許談經濟一室何能廢寤

歌賦奏長楊原小技相期隻手挽銀河

論交數子夙相親

謂晁士廉文石溪明經君謨文學

脈脈臨歧語各真

名譽反爲當世笑飛騰仍有少年人

謂蕭甫同年

舌存且罄

書千卷心醉何妨酒百巡賸有陳遵偏後至

謂墨農孝廉

卻

先狼藉污車茵

定擬揚雲作解嘲行窩舊署信天巢八千里外初言別

二十年前早訂交豈必情懷悲折柳何堪身世學懸匏

兔園冊子重料理書畫琴尊次第拋

萬松山館夜讌贈春嵐都轉

錄三首

水竹園林夙擅名東橋問訊不勝情玉山往事今誰繼
君定前身顧阿瑛

濤聲如雨擘吟牋對酒當歌稱綺年此是寇萊公本色
諒無人擬柘枝顛

名蹟儲藏有古香玉父帘幕細評量誰知環炭標燈夜
煑茗重開畫選場

陳任齋春山竺村荷花生日邀同過半塘觀荷

紅雲幾鬢彤霞明天公珍重荷花生明璫翠羽轉難贈

鸞簫鼉鼓誰相迎半塘風景宜吟社千頃田田夕陽赭
采菱村落宛逢秋譜荔亭臺慣銷夏就中尤愛水芝香
綠淨無埃鷗夢涼嫣然偏向水雲住豔絕不矜時世粧
人言未似花生日六月廿三花第一獻壽先分袁紹筵
傳神更倩徐熙筆挈鷺提鵬得得來選花船泊花齊開
花如半醉我纔到我猶未飲花爭催花神從古愛遊戲
奇花初胎說真僞三生福命非尋恒七寶莊嚴倘靈異
我聞歲歲逢花朝百花生日春風嬌真靈位業曼卿祝
上界星辰阿母朝荷花肯逐豔陽死卽計來因異紅紫
獨開生面當炎曦或恐前身卽流水又聞牡丹誕日非

花時

清開供八月十五日牡丹誕

管領春風誰總持千佛名經縱一

例羣仙高會勞相思始信荷花殆匪無因至不踐陳泥
僅餘事永畱淨業轉翛然特誕此材端不易壽花齊祝
花千春吾輩作主花作賓幾忘腰笛我跌宕酌以玉罍
花精神陂塘無暑園池古吾輩作賓花作主珠履環趨
儘不妨金釵欲躡偏能舞吁嗟乎孔抱釋送俱塵埃昌
華芳華同劫灰名花不朽藉長句吾輩偶值宜深杯十
里菰蒲水楊柳痛飲荷花生日酒老鶴曉記分紅牋老
龍夜驚拍銅斗自有天地荷花多地久天長知奈何但
願年年今日載酒木蘭檝白鵝潭總無風波

送 宮保慶蕉園將軍還都

紅旗獵獵照波間，賸有威名鎮百蠻。
垂老寸心終戀闕，重臣全福合歸山。
民難報稱傳遺愛，帝惜賢勞特賜閒。
再和宸章三錫宴，寵榮應比潞公還。

門第如公冠百僚，擁旄仗節珥金貂。
黃扉事業傳三世，青史功名翊四朝。
身歷風檣兼陣馬，手馴蠶蠱與蛇妖。
嶺南重鎮還相倚，誰覩麟洲有怒潮。

槃瓠遺種敢披猖，兵氣旋爲日月光。
儒雅舊推羊叔子，安危仍繫郭汾陽。
分茅柱矗千秋豔，細柳營開兩鬢蒼。
相業共期裴度似，未應真返午橋莊。

送朱幹臣中丞引疾歸里

蕩析離居迭報荒忽聞公竟辦歸裝
君恩或冀酬他日民命何堪付彼蒼
再世韋皋原葛相君家朱邑祀桐鄉
臨岐難掣如鉛淚更爲哀鴻灑數行

牂牁西下勢縱橫風雨如磐慘不晴
鋏颺峻嶒連兩郡銀濤澎湃走三城
盡臣原可回天譴積潦終當與地爭
從古救荒無善策此時相送可勝情

碑畱遺愛豈無因老稚攜扶吉語陳
與物爲春誰健者盟心如水復何人
同舟琴鶴翻嫌俗緣道香花不稱貧
耆壽百年官一品重來開府粵江濱

不願公歸竟恹然畱公暫住且遷延民難請命官誰戀
人總傷心語易偏瓜蔓水來嗟度度桃花米熟憶年年
此邦粒食艱難甚誰爲經營燕子田

驚聞婦孺各銷魂話到無依事可言疾痛自然呼父母
饑寒安忍棄兒孫蒼涼道左書千帙剗切筵間酒一尊
途次霍然公願否此行原不爲田園

詠蟬

傲傲楊柳晚風前簌簌槐花暮雨天偶以善鳴吟月露
倏然不食算神仙宮官貴寵華冠飾名士精能畫扇傳
大抵螳螂隨地有惜無人斷蔡姬弦

哭崔心齋孝廉

應舉張憑俗未知相逢且共醉千卮半生跌宕差能悔
一病沈綿竟莫支不見俄經三月久乍聞彌憶十年時
珠湄舊酒樓如昨忍讀秋江禊事詩

潦倒誰憐醒亦狂君家羣從各飛揚那堪入座無車允
共喜畱賓學鄭莊斫地有人仍下第幕天何夕不歡場
輪蹄度度多陳迹擬唱驪歌淚數行

時余擬賦北征

慈親已逼古稀年哭子驚聞淚湧泉陰德本來無可據
窮交何限各潛然性情容貌均非天福命聲名豈易全
一事語君聊慰藉鳳雛毛羽卽騰鶩

清暉池館春禊詩次紫垣孝廉原韻

徑樹濃陰綠似苔名園佳節禊堂開競傳襍被書千卷

時孝廉南歸未久歸裝多購古書

重晤鶯花酒一盃畧有舊愁聞笛感

謂春嵐都轉

恰無風約抱琴來置身詩境吟偏懶對客揮毫

愧子才

萬點花飛乍煖天煖風吹浪碧含烟止談好事翻嫌俗

不詣平泉動隔年

不到園中閱四載矣

處仲作歌如意缺季倫沈

醉接羅偏京華夜有聯牀夢春草吟成盡阿連

不須腸斷到荆枝王渾由來有好兒此地雅宜風雨月

一家同擅畫書詩卽看標格占文福偶閱韶光觸酒悲

我亦疎狂如仲御，瀕年誰屑賈充知。

買山無處宦情微，閒寂茅齋獨掩扉。北地才名容我占，

南園風雅待君歸。

去秋撥北行未果

知交難得如萍合，蹤跡誰

甘學絮飛誰信年。來多樂事酒闌彌覺與心違。

丹桂

吉祥雲護廣寒宮，劫閱鉛華色相同。小立瑤階春雪豔，
碎翻瓊島落霞紅。霓裳仙侶鶯花局，金粟詞人錦繡叢。
本性依然薑比棘，肯隨桃杏嫁東風。

句漏丹成葛鰐徒，前身原在列仙都。秋風消息來朱雁，
曉月微茫認赤烏。乙癸官容拖紫返，小山人合著緋無。

住從靈隱移天竺見總分明聽不殊

兔寒蟾冷認依稀算踏紅塵與願違染得彤霞仙樹老
幻成絳雨落英飛真靈位業畱丹訣科第年華稱錦衣
唱徹紫雲迴樂府水精宮闕是還非

石尉珊瑚碎不完麻姑粒米總成丹銀櫳珠閣衣裝開
碧海青天血淚彈絳樹殆宜霞外種紫華仍愛月中看
脂香粉膩徐妃筆更擬離騷屬稿難

真瑞堂兼壽櫟堂香紅開遍石湖莊是真仙侶霞紋幙
豈必姮娥月樣粧漢殿豔傳連理異竇庭佳話五枝芳
芙蓉爲婢供驅使翻令人言比拒霜

雲想衣裳月下逢欲書花片卻無從虎頭畫出殊微抹
龍腦焚多焰正濃紅髮鬢分金瑣碎紫玲瓏認玉蓬鬆
四方題品爭傳接心跡誰知似款冬

退紅色本擅天家玉宇瓊樓貯麗華仙客文章袍奪錦
美人經籍幔懸紗日來月往畱香品木落山空著此花
久住塵中今解悟點金原未似丹砂

何礙無瑕玉有痕紅深紅淺蝶蜂喧名兼富貴黃金賤
地並神仙赤芾尊縱被殊榮宜澗谷倘分餘豔盼兒孫
赭袍未似緋袍稱向日葵同植御園

墨蘭

管領春風翰墨香敢誇詞苑冠羣芳文章聲價山林貴
鍊石心腸雪月光偶遇鞠通超浩劫屑同高麗門新粧
水仙花總無雙品黑白分明各擅場

素面朝天迴不侔歲寒筆研訂千秋江湖放逐論烏帽
臺省聲華羨黑頭作賦晁家憑月旦畫眉張遇本風流
此花身恐無人識卽墨雄封認故侯

四市詩

羊城花市

一路吹香月正圓買花人比賣花先四時絢爛同今夕
萬井繁華竟百船名果雕瓜偏錯落黃蜂紫蝶漫流連

年來五斗桃花米僅博釵頭百子蓮

廉州珠市

列肆橋邊次第開頻年珠戶亦堪哀精華已竭投淵未
性命剛存跋浪回謗載數車名將累聘量十斛美人來
便求逕寸談何易截珥編璫賸劫灰

東莞香市

欲署香農未敢論女兒爭覓市聲喧千年飽閱風霜色
一瓣偏畱斧鑿痕木氣消融推妙品土膏凝聚勵孤根
歸裝投水循良少篤耨龍涎諒不存

羅浮藥市

攤錢誰詣白雲深
葛鮑餘糧販到今
竟住名山稱市隱
不私鹽藥本仙心
天然杵臼何勞覓
帝錫金丹豈易尋
我亦養生嵇叔夜
支筇屢約負登臨

賀桂星垣太史新婚

錄六首

文卷佳人昔許不早迎
鸞鳳下粧樓
玉臺新詠論家世
恐笑催粧韻易酬

人間待闕鴛鴦社
未必如君舉國知
自是好花開不易
請看穠豔出牆枝

雲帔花冠看獨真
十年培養玉精神
攜來天上金蓮燭
久照神仙照美人

宮錦花攢舊翦裁香濃曾染杏花回碧簫吹月乘鸞夜

標格猶然小秀才

靜志居詩話張宣字藻仲入翰林年未二十孝陵以小秀才呼之既奉詔

歸娶邵亨貞學士送之以詩所傳紅錦裁雲春奠雁碧簫吹月夜乘鸞是也

鏡檻無塵一笑迎東萊博議早編成許添紅燭無紅袖

修史全輸宋子京

豔福舊推袁大令六十

平

年後畫重題

會賓谷賞雨茅屋集有嘉慶丙

辰題袁簡齋給假歸娶圖詩

他時建豎知懸絕八秩齊眉獨與齊

春日過潘伯臨比部萬松園賦白秋海棠次原韻

顧影伶俜未著塵鉛華竟懣也前因豔陽翻易銷魂局
新寡尤憐絕代人已悟色空仍墮劫不禁風雨轉傷春

鞦韆庭院如弓月寫照無由說寫神

送錢心壺給諫還朝四首

浙中耆舊嶺南來文選樓高峙越臺清望翕然推李郭
盛名誰屑比鄒枚固當老宿咸低首况值公卿盡愛才
八百孤寒關弊借一時齊惜片帆開

鉅公家世復循良文苑儒林位置商身列諫垣時慶歷
代爲宗匠總靈光人皆有集簪纓紹座竟無瓊翰墨香
爲夢羅浮游粵嶠荔支圖屑貯歸裝

宮輔規模似舊時鈞衡迭掌有專司

謂儀徵
師相

百年風會

須提倡五管鶯花悵別離天遣閒官扶大雅人誰名世

副深期山堂風雪琴尊在未聽驪歌早索詩

連年租稅百無成第一流真愧定評卽獻小文堪目賞
偏聞佳士輒心傾敢於落拓求聲氣夙以疎慵見性情
可許都門參末座孝廉船覓早知名

廣州無雪臘月廿一夜大雪曉起猶未晴也賦詩

紀之

臥聞人聲喧亦解言是雪牕紙明於鐙衾布冷疑鐵特
起循階除紛披朗瑩澈開門看閭巷深殆沒車轍登樓
復四望萬瓦鋪玉屑擬絮態宛然補梅格奇絕閑庭雜
花樹擎重凍欲折擲米誰嬉遊散花自怡悅擬掉釣魚

舟飽看青山缺一輪
日曛隴消融倍火熱
檐溜驚開珊
晴雨羌無別
廣州南越地
此景不曾闕
東漢楊孚宅
松柏森成列
人自洛陽還
高寒表奇節
康熙五
迄乾隆二

三
故老爲余說
獨漉陳
有長歌
瀾翻騁筆舌
未必如今

茲颯爽還飄
瞥天南氣候殊
堅冰不曾結
忽覩雪霏霏

寒增骨亦徹
預占大有年
天公信先洩
往籍同斯言
豐

穰當可決
積潦彌三載
耰鋤恐不迭
無論山水鄉
遺蝗

祝盡滅
粵中無蝗今歲忽覩之
觸撥遣詩懷
商量參畫訣
剝啄畫

人來
遂江香湖
聳甌水先設

春日感懷六首

牕外垂楊綠作絲光陰難得燕來時竹猶僧寺平安報
米比農家貴賤知舊手誰推枯樹賦悶愁都寄落花詩
行庵隙地田園例結構瓜棚縛豆籬

故人投贈有緋袍風雨關河首獨搔嗜好怕彈騶忌瑟
勲華定佩呂虔刀閉門仍悔書名著近市先妨酒價高
一卷楞嚴參妙諦入春從未讀離騷

大抵韶光指一彈傷春杜牧思無端衣裘未典餘寒在
書畫多藏積雨難敢信英雄錢裏坐但令勲業鏡中看
花朝雅集年年慣誰謂如今怕減歡

山陽聞笛一聲聲淚隕西州亦至情耆舊幾人能立傳

文章當日也知名東山絲竹論哀樂北海尊疊惜老成
去去且尋春去住木棉枝上有初鶯

開杜鵑花聞杜鵑裏頭吟負豔陽天古懽猶憶三間屋
奢願能謀二頃田吾輩交游誰劇孟此間生活勝焦先
彌年春亦尋常過只送春時特黯然

年來心迹愛菰蘆誰識高陽舊酒徒蟻穴堦除同郡縣
魚潛池沼問江湖生前例作千秋想遊倦纔懸五嶽圖
富貴一場春夢似阿婆言獨爲尋蘇

得徐鉞孫書知已捷禮闈寄贈

錄二首

太行山好情歸遲雪窖冰天兩鬢絲三輔敦槃才子稱

五陵衣馬故人思，昂藏意氣猶當日。遇合文章擅少時，

記取集中留韻事。看花詩卽定情詩，

於揭曉前夕納姬

魏闕江湖事總閑。卜鄰空約灤東西，王曾志早忘溫飽。

李白才非藉品題，文福快償知己願。

謂阮儀徵師相

詩名誰令

出山低梅花似雪，征夫至萬緣成陰。百舌啼

采桑詞 有序

古豔詞有陌上桑三解焉。由漢迄唐類多擬作，以今方
昔卻鮮流聞。觀其春烟如織，曉日初升，不矜時世之粧，
各有隱居之服。閭閻同撲蝶忙，甚祈蠶摘，駛舉高手明抵。
玉爭多逐便，顏嬌學花本殊。贈勾秉蒨端，例量晴課雨。

然或迭徵遺事務寄閒情夫趙王置酒秦氏彈箏原足
備夫勸懲已無勞於勦襲下至秋胡之怨迴殊春女之

悲數典更及於揮犀忘味真如於嚼蠟

孔子適陳道逢采桑娘事見墨

客揮犀

亦有淇水秋懷漁陽春夢斯墓門之棘折城東之

花離恨故人歸同公子飲水自知其冷煖采風難別其
貞淫粵稽嬪職不緩農工幽詩屢歌月令詳記化臬猶
後攝桑必先謹燥濕視燠涼酌寡多課勤惰管子云一
女不織民有寒者馮跋云桑柘之益有生之本直其然
矣近乃鞦韆蹴鞠六博彈棋鏡聽街中幫湍水上踏上
元之鐙市倚七夕之鍼樓或鬥草於芳郊或燒香於遠

寺脂田粉確慣使縫裳鬢朶首翹猶然縣磬卽有趙家
絲絕薛女鍼神酒記寒溫饌兼香淨概無關於本業亦
偶當於風懷惟此女紅卻因王政當夫田園彌望風露
猶零縞袂青裙玉鉤金籠已獨塵催絲之念敢復航投
杼之閑爲誰辛苦而織成如此蒼涼而早去烟鬢霧鬢
天然士女之圖竹笑花嬉人識農桑之苦夫采葛昔吟
采茶今權小於菱角豔到蓮花義有取於風人辭無譏
於作者矧知貞信敢刺妖閑謹賦絕句三十二首備寫
艱難或通諷諭操土風而互勸補樂錄而先辭言之拙
工非所計矣須悟七年蓄艾尙匪迂圖或云二月賣絲

仍非苦語薺花卜吉無禱期老者之不寒竹枝詞哀此
曲願使君之竟聽

一年生計藉蠶桑未到蠶生日日忙秧插怕晴桑怕雨
與郎相對預評量

到春牆外綠陰勻蠶似牛毛掃覺真翦葉小於楊柳葉
采多翻與隔牆人

花逕誰逢點屐回馬頭孃拜角門開提籠采葉年年慣
翻避閑人戴月來

食葉聲多匪自今看空頭亦更誰禁秒桑不似栽桑穩

寸土無如抵寸金

見湧幢小品

卜桑元已遍家家片葉三錢語不差四日雨連三日雨

有人幫幄賞名花

見種樹書
誠齋雜記

半欲天明半未明鄰姑相約打門聲不須蠶急心先急
挽箇拋家髻不成

二眠蠶更食桑多日暮蠶飢可奈何纖手不停筐未滿
不知郎唱憫農歌

桑高摘葉怕傷枝枝曲從鉤恐已遲梯倚土牆猶未穩
小姑飛上摘多時

桑柔又恐不勝梯桑几高剛與橈齊立久不妨仍小坐
惱人安穩笑聲低

用斧何能不聳然斧頭一倍葉知先今年止可完桑稅
滿簇如雲望隔年

皇后躬桑自昔聞尊卑貴賤竟誰分養蠶直以桑爲命
八口無寒可不勤

遠過桑疇亦復佳泥香草碧淨於指儂與踏青歸一樣
不會換著鳳頭鞵

未足供蠶斷不歸儂寒偏與願相違儂身止著麻衣服
歲歲宜蠶是抑非

過來事必有明文百六斤桑喂一斤桑價仙人難預斷

摘多摘少總煩君

見湧幢小品

蛾眉淡掃說銷魂鄭重生涯不暇言桑葉在田蠶在箔
催絲人到兩三番

小姑心比阿儂忙未到平安說采桑白髮高堂能耐冷
莫先催作嫁衣裳

定知蠶比去年豐元旦今年竟不風

見太平御覽

寒食清明

容易過童童桑葉雨聲中

枝枝相值葉相當兩兩三三笑語狂身自艱難聲自樂
田家風景道家裝

入春郎許製衣無又見金桑十許株

見本草

誰信荒畦閑

草木紅羅裙與紫羅襦

輕裾薄縠碧陰中
炊黍蒸藜事不同
紅染鳳仙花指甲
連朝酖愛綠成葱

何日新蠶可得絲
稍閑先誤喂蠶時
水邊祓禊誰家子
五色春衫繡折枝

日未東南輒下樓
驚飛戴勝與鳴鳩
繭良未足輸官府
定到無桑妾始愁

最嫩枝還最老枝
綠濛濛處立多時
人言可作沈香想

妾道沈香不似絲

見常
新錄

亂頭粗服不相宜
墮馬粧成淺畫眉
萬綠叢中人似玉
野花紅任百千枝

赤日瞳瞳露盡乾微暄汗透裏衣單入門一見郎先笑
日日陰晴稱意難

蠶飢值雨竟何如短笠輕蓑學老漁葉自拭乾衣尙溼
笑儂珍惜不如渠

天公生作女兒身善畫能書也苦辛郎自種桑儂自采
莫先懸擬著衣人

世間黼黻文章貴除是神仙手不經誰謂竹籬茅舍畔
一襟風露太伶俜

蠶月誰能鎖日閑路旁結隊去仍還願蠶早熟桑剛盡
軋軋機聲晝掩關

繭良未必閒官笑忍使催絲吏下鄉畦中葉倍籠中葉
說到新絲愈渺茫

但到蠶飢喂已遲一家寒殆甚蠶飢農家大有蒼茫感
人自看儂總不知

官租六月可能收桑葉鬚鬚翠欲流儂未製衣猶自可
郎衣唯有木棉裘

海幢寺放生羊用東坡歧亭詩韻

蘇晉學浮屠猶然飲米汁抑謂求長生瞑目丹田涇

見志

林日食飫萬錢雞豚缺不得買羊放寺中拳拳意良急
千杵擊蒲牢一瓣蕪金鴨企如元參政香飯青布幕讜

言告檀越未聞頗先赤狸脣與豹胎髦殘復象白仲宣
足倒屣鎮西裁脫幘誰知族郇聞各各向隅泣裋褐殆
不完饘餬類有缺萬羊行已盡開筵復醺客爲設受生
齋頻來蘭若集

毀瘠覺爽口素饌雜雞汁

見西湖志餘

豔說荔支菌

寺僧以此擅場

血肉杯盤涇相公食料羊寄此胡不得輪迴事可憑懺
悔心轉急名蠚及佳蝦豬魚暨鵝鴨紫衣逕延賓不用
疏布羈名僧豈戒殺日日鸞刀赤主人或資福誰向應
眞白彈棊閒六博斜簪解散幘一日此蕭閑衆生同啜
泣羊生足抵償誰與平其缺主人如不聞僧俗互主客

別有過廳羊

見青州雜記

明日舍閒集

落花十首

嫩紫嬌黃復淺紅肯嫌春盡太匆匆或脩香火緣能續
但閱鉛華劫易空畧有精神餘落照絕無情緒是東風
飛來飛去雙蝴蝶一例閒愁各不同

月到團圓卽缺時無端心事總憐伊年年風雨聞淒絕
各各園亭賞悔遲著地零星如有淚懷人三月恰無詩
鬢絲禪榻尋春去賸見離離子滿枝

百花生日可曾經如雨如塵各不停吾輩文章原跌宕
美人生世總伶俜慣緣寫意翻無謂便當埋香或有靈

得似垂楊千萬點後身還去作浮萍

村店無人鳥亂啼王孫歸牘草萋萋繁華大抵飄零易
聲價誰因落拓低去住拚教隨逝水嬋娟偏令踐陳泥
緣陰門巷君重到試問何從著馬蹄

欄杆撲雪又黃昏春盡園林晝掩門人到相依仍薄命
事當無奈倍銷魂闌珊猛雨誰還妒料峭餘寒不可論
原有深恩誰望報護花鈴與護花旛

酒旗歌板百枝簫事去香魂說可招睡起聞鶯青瑣闥
竭來射鴨赤闌橋還書豔印街雙屐洗研紅添水一瓢
寒食清明都過了因當無地不飄蕭

廿四番開總不禁買春誰分惜黃金藤陰坐久剛埋笠
松裏吟閑寂打琴觸撥平生名士語掃除萌蘖老禪心
艱難釀蜜蜂兒鬧未到無花杳莫尋

豔陽天作奈何天絕代佳人美少年縱可勾留終似此
誰當遲暮不淒然別饒韻事客螻蟻殆信離魂借杜鵑
悶煞家僮剛掃盡閑階賸得薜痕圓

脈脈冥冥特地香蛛絲牽挂殆尋常下場縱好心情減
游世能閑聚散忘有夢色空誰了悟無聲消息試評量
江南風景因時節逢李龜年話正長

彈指春光又一回海棠乞護也心灰帳中望儘姍姍似

陌上歸容緩緩來
漂泊偶然誰敢怨
穠華或者殆非材
養成古幹凌霜雪
不數閑花取次開

抱真先生畫貓

咄哉貓捕鼠本性猶鷹鷂
中朝有權奸搏擊慎所先
先生高蹈人捉筆當偶然
如何百獸繁瑣瑣絕技傳邇來
食無魚誰許聘銜蟬止欲護殘書
宵中恆不眠黠鼠大如兔見畫
伏敢前唯當持贈余俾永堂中懸

嶺南夙多盜鐵貓能鎮厭恭毅有遺愛
依然事震疊或本君家風百年稍慄
讐想見具深心筆非等閑涉妙畫
苦不多碩鼠當奈何真貓不捕鼠鑄鐵
終何補畫與鐵

俱傳鼠在人千古

食筍

同用九佳

詩人都嗜筍蔬果不容儕無竹奚穿壁同花送上街雙
錢端減米全鼎贅添柴切玉香誰覺裁冰焚敢措烹龍
眞閱歷煮鶴妙安排葉葉枝枝縮風風雨雨偕晚涼生
匕筯秋爽到胸懷嚙雪絲絲剖吹雲段段埋禪惟和尙
悅孫獨此君佳手佳詩無敵腸便酒似淮羹空千里擅
鯖任五侯皆捕鼠曾誰及撈鰕本不諧盍脩贊甯譜莫
謂庾郎鮭庖涵含霜重杯盤稱月篩百斤何可得上番
恰相挨入市剛推枕迎門倒屣買山心未了開逕願

終乖簌簌青環屋森森碧覆階蘇黃宜倡和鄠杜足生
涯兕角端成畝貓頭又逆厓全家拌大嚼竟月也清齋
筵具供鄰釜尊空拔婦釵巡觀勞僕記待啜聽兒哇誰
使幽棲久居同負殼蝸

桐花鳳四首

飛去飛來總渺茫羽毛端使絢春光填詞未必非坡老
新語謂東坡詞倒挂綠毛
么鳳另一種殆未必然畫扇偏教遇贊皇如此文章
論邊幅爲誰顛倒到衣裳相逢陡憶年時事博得人呼

小鳳凰

縱有明珠不忍彈依人偏未覺寒單宜名鳳子非胡蝶

直愛桐花過牡丹三月光陰如露電一生心事寄梅檀
漁洋老去風情在妾謂猶然酷似難

網觸紅絲願總違探春消息冀先歸坐如荀令風初歇
渴比文園露未晞使者信遲真亦幻美人恩重是還非
池臺關鎖桐陰碧賸見尋常燕雀飛

碎翦彤霞擲紫烟落花時候尙蹢躅偶來團坐偏終席
見朝野
僉載難得香魂住竟年兒女不殊真眷屬英靈或是

小神仙平生怕說釵頭鳳一度逢君一惘然

送竹軒中丞師擢任大司寇還朝四首

卅年身總白雲司百粵西東玉節移召虎對揚南海定

皋陶明允 聖人咨欷歔覆獄劉祥道慷慨談兵杜牧

之

師撫粵西統兵賀縣青林堵截
徭匪蒙恩加太子少保銜

保傳峻加官一品記

隨竹馬拜迎時

偏值瀾年旱潦灾星槎度度嶺南來時逢凋弊何能給
獄縱平反已可哀依舊雍熙多樂事羣推鎮定得奇材
元戎幕府書生似散幘斜簪畫卷開

廣惠倉成仿昔賢關心穀價敢由天吏胥無擾真經術
廉介仍頒及俸錢荒政細從平日講小民直當古人傳
簿書遂問何曾積止念艱難粒食先

合作中朝第一官攀與人擁淚偷彈身兼將相平生裕

任久東南割捨難
釋氏香花緣道左
使君琴鶴去江干
八州作督重開府
米賤年豐到處看

青奴曲

半牀明月衾裯祿
苑到瓜期憐碧玉
扇影鬢絲大有人
帳籠花抱檀奴宿
青溪居處小姑宜
名字觀音喚亦癡
綠蕉庭院閑情賦
紅藕簾櫳本事詩
將軍腹負容相就
清心玉映腰同瘦
古人何礙刺黃裳
絕代本來推翠袖
不知煩熱是生平
節目森然具性情
方雅未須憐見屈
圓通依舊許稱貞
如水簾紋人獨寢
推襟送抱端閑甚
盛德無傷偶解衣
餘情盡懺同支枕
鯉魚風起素馨香

八尺龍鬚客夢涼此君似學論閨怨新婦

見僧贊甯符譜

何當

作佛粧補屋牽蘿誰屑道橫陳反博閨中好玉釧曾敲
夜未央金釵欲墮秋先到雅稱游裝襖被俱谿山如畫
輒相隨刻劃最工題絡秀高寒到此惜清娛從古愛憎
能定否西牕話雨知何有風格居然儷玉妃蹇脩或者
煩紅友秋到何堪問主人清涼一覺總前因永同牆角
燈檠棄可憶捎雲態絕塵

又

獨眠人作閑花擁風骨棱棱也情種席攤柳葉帳梅花
恰無人如專房寵側聞家世有湘妃逕畧夫人卻未宜

見者猶憐何必老織成方問不曾遲飲羊羔酒端非匹
擬報平安勞日日縱在泥中總激昂居然林下誰評騭
月轉迴廊夜正長賀新涼卽賀新郎登牀卻又完疏節
到枕何曾見焚腸水榭雲廊金屋貯時宜不合吾非汝
英雄伸脚慣欺人臣僕剖心能事主房櫳風急雨初收
不抱衾裯命不由遣此未能心醉極背人端有淚痕不
縱比玉簫緣再世清涼無汗何人儷翛然風致總非凡
惜甚溫柔偏不計性情誰說類青琴得喚樵青實賞音
竟月相親仍冷眼生平可愛是虛心快婿王郎真坦腹
司空見慣原非俗反側能安夏有霜炎涼遞閱明如玉

昨宵假傍稍知寒半臂令添棄置難曾歌團扇歌誰贈
偏到秋風一例看

又

有人更屬畱閨闈或者前生花底活畧具生平聽轉移
本來節目論疎闊干霄意氣總非凡屈不能伸淚可緘
追憶卻真如錦瑟嬋娟偏自著黃衫堂有罷純全不配
性情瀟洒原吾輩小眠仍與月風宜差愛絕無兒女態
曾非佳士莫相親勁直圓通各任真方回迴異常奴者
獲見蘇黃一輩人

和有寒木齋集憶都門看花舊游詩

有序

僕未抵都門也年非慘綠餞離多贈柳之篇心醉軟紅
感舊絕看花之夢則有上計秦嘉傭書闕澤同陸機之
赴洛先張翰以還吳灤水未營輞川誰卜鶯花侑酒京
華則倍念游蹤輦轂稱詩吾輩則仍邀和作彼夫金
絡錦韉鞦韆蹴鞠每乘犢以選伎遞裝獅而送人帖繡
綵毬油碧帘幕檻移板白幄插裘紅貴游所誇達者而
焉至若客經人海宜早悟夫華嚴花到佛門端難忘乎
色相洞天皆錦化雨彌香寒食在前輕陰借得廳非吏
部同思種樹之人堂比蜀公合署飛英之會得名各盛
畱賞偏多小駐爲佳舊遊宛昨酒悲棖觸文福何如裘

馬遠貽後約屢煩乎良友巾瓶淨契飽看端讓夫閑僧
句多野火春風居仍不易見匪免葵燕麥在亦難來少
年看豈霧中無方卻老七載歸從日下依舊傷春良可
慨矣曰崇效寺牡丹曰愍忠寺海棠曰朱竹垞故居紫
藤均繫以詩辱徵夫僕俾迭賡乎原倡曾弗泥乎偕游
已都門雜花鮮麗炫目水邊籬外辨名綦難見長安問花記桃
白梨紅索價恒倍見六街花事以逮了蘭梔子勺藥酴醾大
抵霜降春分冰天雪窖雙厓一澗釀豔蒸芳亦有大房
山寺江南卻無見淶水亭雜識中貴宅園京師爲最見輿志漁洋
手植司馬吳香亭王綸曾移別有閣下丁香見翁覃谿閑學碑庭前

檉柳

見曝書亭集

所游值此所憶遂及此耳

僕

北征擬賦敢

爭無用之功名西笑宜慙偶觸蕭然之意興待詔馬蹄
之疾任嘲雞肋之同早當畱題何妨屬和燕臺詩思未
應黃四孃如下里歌聲或者劉三妹近游覽願副鉛華
劫迴絲竹稱豔陽之天壺觴尋舊雨之地難冀昔會三
到書官位以詔閭兵依然春夢一場比行歌以逢田姥
爾業同左券悉殿佳章

崇效寺牡丹

天紅淺綠

見綠水亭雜識

也尋常培植年來數洛陽恩寵倘曾

扶

御輦矜嚴還欲作宮粧南方茉莉田宜佛北地臙脂部
列行莫詫詩人無賴極法王不禮禮花王

愍忠寺海棠

楞嚴十種話神仙偶謫祇園不計年共惜無詩工部諱
未妨有酒劒南顛色當穠豔偏經雨香儘霏微欲破禪
堂上阿師應笑汝滿身都著落紅鮮

朱竹垞故居紫藤

孫枝分作老龍形簌簌閑花落滿庭稠疊綠如雲影覆
闌珊香並雨聲聽風霏爛紫宜攜酒月轉濃陰也注經

欲遠移根知當否有人重建曝書亭

謂阮儀徵師相

庚子元旦試筆

鸞簫鼙鼓鬧新年兒女青紅也俗緣不好詣人難謝客
肯教客我逕參禪華嚴劫換如燈市去住情閑付酒船
一樹桃花開獨早最銷魂似豔陽天

名刺紛傳剝啄忙往還禮數儘相當墨濃先寫宜春帖
酒熟曾尋卻老方馬齒同加愁不必虎頭癡絕懶何妨
整冠誰怕旁觀笑三十年時鬢有霜

波羅曲

有序

錄九首

南海神廟在郡東南八十里扶胥江口廟有波羅蜜樹
故江俗稱波羅江廟亦稱波羅廟云金幡玉簡累朝欽

俎豆之存翠羽明珠絕徼靖干戈之亂光芒萬丈讀韓
愈之碑文靈爽千年擊馬援之銅鼓虔申禮薦仰答神
庥宜也非僭也歲當二月晴時百花生日精靈誕降魚
龍隨海若以俱朝士女昌丰蠻蜚謠神弦而迭奏單舟
疊舸西舫東船釃酒靈壇焚香複道俯仰華燭覺旌旗
之一新嘯聚錦帆視弓刀其自動紅棉樹古英風吹萬
朶之花黃木灣空奇景浴三更之日歌聲舞節婆娑樂
神桓次公鹽鐵論謂富者椎牛擊鼓戲倡舞像中者屠
羊殺狗鼓瑟吹笙貧者雞豕五方衛保散獫傾蓋社場
亶其然矣亦有五管豪家三城年少挾錢塘之蘇小攜

嶺海風俗還淳反樸激薄停澆陳同甫有言菽粟桑麻
絲枲之利歲耗於一歲禽獸魚鼈草木之生日微於一
日而上下不以爲異也良可慨已僕曾謁崇祠兼知薄
俗漫陳絕句敬仁輪軒紀風土之盛衰問閭閻之奢儉
望冰天而閑話逢伏臘其重來若夫英靈來去謹裁迎
送之詞山水登臨宜有發揮之致原慚作者合讓古人
雖下里之謳歛卽 太平之景象竹枝詞學敢祈神聽
之和平蓮花記殊庶免余言之罪過爾

古稱淫祀嶺南多南海年來海不波不比尋常神誕日
畫船簫鼓拜波羅

宛然范蠡卽移家經琵琶州按琵琶香火緣深裙屐
開一船花埭牡丹花

新安東莞下番禺齊到參神結束殊百子蓮花銀錠髻
各鄉人似省城無

木棉開又刺桐開銅鼓鏗訇似怒雷西廟不如東廟旺
五羊人競買舟來

百貨駢臻換市塵趁墟三六九徒然何如廣利王神聖
一月生涯抵一年

門通十字總茫茫海日波紅海月黃過客不知韓吏部
唐碑側賣女兒香

無人肯惜少年時二月春光不自持誰贈玉龍膏一帖
阿儂心病倘能醫

達奚遺像說司空鐵軸牙檣恨不窮自是故鄉歸不易
過洋偏阻石尤風

明珠如月老龍眠護有羣龍肅几筵歲歲不來烏白鯤
無風無雨豔陽天

答錢弇峯上舍

錄二首

莫緣中落事酸辛况荷門基有替人結客會須償夙願
無時端在惜閑身故家子弟原難儉名士心情轉愛貧
竹屋紙牕風味好讀書聲裏歲華新

胸次翛然眼界開側身迴首壯心灰端居且慮危機伏
作達原從逆境來吾輩謀生無善策十年紀事有餘哀
名山業在誰能奪命世英雄冠古才

送蘇賓峒銓部歸江右三首

塞雁南飛子北還梅花開遍度秦關麥舟助葬難如願
丙舍歸營未敢閑一往飄零思大樹終妨跌宕過睂山
十年舊事從頭說公子重逢鬢已斑

鉅公田業水般清廊閣趨翔著盛名文譽恰同韓吏部
家聲獨說李西平將門難得生才子郎署終當到列卿
廉吏兒孫端不愧竟無南物片帆輕

南來豔說陸生裝意氣如君屑較量湖海論交心鄭重
公卿懷舊話蒼涼幽并躍馬年誰少風雨聞雞夜未央
臨別贈言牢記者邇來報國重文章

無題

鳩媒從古誤嬋娟冰簟銀牀淚泣然翦綵爲花開度度
賣珠易米記年年屢同鄰女分餘火忽向黃姑索聘錢
鍵戶永辭諸姊妹湔裙門草憶從前

障設青綾未解圍東鄉田業屬宏微春蠶作蛹心先死
綵鳳隨鴉計總非野水纔添新綠慘曉風無賴落紅飛
遺簪墮珥原珍惜偏使傾箱鬻嫁衣

拘蓮作寸絡絲難擣麝成塵指一彈蕭艾敷榮蘭况瘁
葛藤牽絰竹檀欒偏逢能畫毛延壽豔說填詞李易安
原是廣寒宮侍從花冠雪幘月中看

懷春無怪吠厖知冰玉翛然久自持紈扇先秋偏不覺
錦衾獨旦也難期連環可解須明決破鏡重圓愛別離
懺悔業緣參大士屏除了悟仗慈悲

劉將軍歌爲松齋總鎮作

時非用武官貴文將軍敷歷原文臣起家縣令特愛民
至今胡以將軍傳從征教匪初殺人實始嘉慶年初元
上馬如飛風撲身雙目炯炯尤精神士卒與之同苦辛

一時名將無其倫青天之目由 帝聞洵擢顯職非無
因鹽鐵特掌家不貧無端山左起妖氛三城陷沒遭掠
焚風流儒將猶逡巡將軍起曰余當先一戰殆可平黃
巾蠢爾逆賊敢控弦斬刈殺戮如草菅窮追三日靡所
屯渡河遠遁城獲完軍食壺漿迎使君中州父老同歡
欣身經百戰誰復憐願轉武階臣瀆陳 帝曰我朝文
武均鎮撫曹國無風塵積勞病骨嗟嶙峋老矣戀棧臣
赧顏七十鬚鬢都如銀承平殆合還家園功成形可圖
麒麟將軍飄然歸杜門生平好博無愚賢一擲百萬何
足云千金裝復貽所親竟無官物遺子孫經營卜築屋

數椽依舊清況如寒氈空囊羞澀無一錢英雄末路殊
艱難吁嗟乎我朝開府策殊勲文階轉武曾不聞武
階轉文同特恩嗚呼唯有楊制軍遇春威名談者皆
津津嗚呼安得如楊制軍

久旱得雨感賦

蕭蕭瑟瑟點窗紗竟日闌珊夕倍加此地年豐需市舶
無田心切甚農家况緣野逕新移竹又值閑園遍種瓜
向道旱徵今不信沿街空賣刺桐花

敢夢還山樂耦耕小樓濃睡到天明別州聞已虞飢饉
我輩閑宜課雨晴打麥光陰求最急護花情事較原輕

年來米價關心極不爲虛檐浙瀝聲

庚子中秋閨中對月口占題壁三絕句

鈴柝無聲夜已闌瓊樓玉宇儘高寒
人生難得中秋月十度風檐枕畔看

此材端合在菰蘆臥酒吞花興不孤
人祝科名余懶答姮娥還許再來無

賸有秋心觸撥先居然一第似登天
舊時月色人非舊撲面風塵十七年